

3. Sacramenti huius naturam & qualitatem Articulus nonus Confessionis nostrae, perspicua admodum brevitate & brevi perspicuitate expedit.

4. Quam licet in ipsis comitijs Responsio Caesaris & Catholicorum principum per omnia approbarit: postmodum etiam Iohannes à Daventria, Cochleus, Hoffmeisterus & reliqui, Articulum istum cum Ecclesia Catholica Romana per omnia consentire, iudicarint: uti patet ex Harm. Fabr. pag. 186. & 107. haud tamen parum eius decorem deformavit posterior Editio, quae mutationis aliquid Prototypo temerè attulit.

5. Quod etsi leviculum, ac exigui momenti esse videtur: Cavillardi tamen materiam adversarijs haud exiguam suppeditavit.

6. Patet hoc ex animadversione Andreae Fabricij Leodij, scribentis: Mirum est, cur Philippus in variata Confessione non simpliciter, quemadmodum in Prototypo, affirmat baptismum esse ad salutem necessarium, sed ita necessarium adstruat, tanquam ceremonia aliqua à Christo instituta, nisi quia voluit indicare, Baptismum esse duntaxat externum signum, quo peccata non tam auferrentur, quàm deleri significarentur. Andr. Fabr. Harm. Conf. Aug. pag. 186.

Impingit.